

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.04.2018թ թիվ 1807876088 և 23.04.2018թ. թիվ 1807977290 որոշումներն անփոփոխ, իսկ վարչական բողոքն առանց բավարարման թողնելու մասին

<<29>> 06 2018թ. 17-13-52969-18/17-13-5028

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վահե Սարգսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորք Միկոյան փողոցի 23 շենքի 28 բնակարանի բնակիչ Վահե Սարգսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1807876088 և 1807977290 որոշումները՝ նշելով, որ կատարել է կտրուկ շրջադարձ, որպեսզի չխոչընդոտի Արշակունյաց փողոցով ընթացող տրանսպորտային միջոցներին:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին թիվ թիվ 1807876088 և 1807977290 որոշումներն օրինական են և հիմնավոր հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 50-րդ կետի 1-ին ենթակետի համաձայն՝ հետադարձն արգելվում է հետիոտնային անցումների վրա:

Ճանապարհային ոստիկանության վարչական տույժ նշանակելու մասին թիվ թիվ 1807876088 և 1807977290 որոշումներով արձանագրված իրավախախտումներն ամրագրած տեսանյութերն ապացուցում են, Արշակունյաց - Քրիստափոր փողոցների խաչմերուկի հատվածում դիմումատուի կողմից վարած տրանսպորտային միջոցը հետադարձ է կատարում հետիոտնային անցման վրա:

Այսպիսով՝ ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807876088 և 1807977290 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վահե Սարգսյանին:



Ե.Կարապետյան